

24 мάρта (11.03 ст.ст.) 2024 гóда.

**Недѣля первая
Велі́кого поста.
Торжествó Правослáвия.
Глас 1.**

ВСЕНОЩНОЕ БДЕНИЕ

ВЕЛИКАЯ ВЕЧЕРНЯ

Диакон: Востаните!

Хор: Благослові.

Иерей: Слава Святѣй, и Единосущней, и Животворящей, и Нераздельней Троице всегда, ныне и присно, и во веки веков.

Хор: Аминь.

Священнослужители в алтарѣ:

Приидіте, поклонимся Царѣви нашему Богу.

Приидіте, поклонимся и припадѣм Христу Царѣви нашему Богу.

Приидіте, поклонимся и припадѣм Самому Христу, Царѣви и Богу нашему.

Приидіте, поклонимся и припадѣм Ему.

Псалом 103, предначинательный:

Хор: Благослові, душе моя, Господа./ Благословен еси, Господи./ Господи, Боже мой, возвеличился еси зело./ Благословен еси, Господи./ Вся премудростию сотворил еси./ Слава Ти, Господи, сотворившему вся.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Великая ектенія:

Диакон: Миром Господу помолимся.

Хор: Господи, помилуй.

Диакон: О Свѣшнем мире и спасеніи душ наших, Господу помолимся.

О мире всего мира, благостоянии Святых Божіих Церквей и соединеніи всех, Господу помолимся.

О святѣм храме сем и с верою, благоговеніем и страхом Божіим входящих в оны, Господу помолимся.

О великом Господине и Отце нашем Святѣйшем Патриархе **Кирилле**, честном пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем, всяком граде, стране и верою живущих в них, Господу помолимся.

О благораствореніи воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасеніи их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

БЛАЖЕН МУЖ:

Хор: Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеви со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

Слава Отцу и Сыну и Святому Духу.

Аллилуиа, аллилуиа, аллилуиа.

И ныне и присно и во веки веков. Аминь.

Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебе Боже. *(Трижды)*

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святого Духа, ныне и присно и во веки веков.

Хор: Аминь.

ГОСПОДИ, ВОЗВЪАХ, ГЛАС 1:

Хор: Господи, возвѣах к Тебѣ, услыши мя./ Услыши мя, Господи./ Господи, воззвѣах к Тебѣ, услыши мя:/ вонми гласу молѣния моего,/ внигда воззвати ми к Тебѣ./ Услыши мя, Господи.

Да исправится молитва моя,/ яко кадило пред Тобѡю,/ воздеяние руку мою/ – жертва вечерняя./ Услыши мя, Господи.

Стихиры воскресные, глас 1:

На 10. Стих: Изведи из темницы душу мою, // исповедатися имени Твоему.

Стихира: Вечерняя наша молитвы/ прими, Святыи Господи,/ и подаждь нам оставление грехов,/ яко Един еси// явлей в мире Воскресение.

Стих: Мене ждут праведницы,// дондеже воздаси мне.

Стихира: Обидите людие Сион,/ и обымите Его,/ и дадите славу в нем Воскресшему из мертвых:/ яко Той есть Бог наш,// Избавлей нас от беззаконий наших.

Стихиры Трибди, глас 6, подббен: «Всю отложивше...»:

На 8. Стих: Из глубиныи возвах к Тебе, Господи,// Господи, услыши глас мой.

Стихира: Тя, Непостижимаго,/ прежде денницы безначально из Невещественнаго возсиявшаго,/ безплотнаго же чрева Родителява,/ пророцы Господи, Твоим Духом вдохновени,/ прорекша Отроча быти,/ из Неискусобрачныя воплощаема,/ человеком совокупаема,/ и сущими на земли зрима,/ имиже яко Щедрый/ просвещения сподоби Твоего,/ воспевающих неизреченное,// и честное Твое Воскресение.

Стихира Трибди, глас 2:

Слава Отцу и Сыну и Святому Духу.

Благодать возсия истины,/ прообразуемая древле сеновно,/ ныне явлено скончася:/ се бо Церковь воплощенным образом Христовым,/ яко прекрасною утварию облачится,/ скнии свидения образ пронаписующи,/ и православную веру содержащи,/ да егоже почитаем,/ сего и образ держаще, не прельцаемся,/ да облекутся в студ сие неверующии,/ нам бо слава зрак Воплотившагося/ благочестно покланяемый, не боготворимый./ Той облобызающе вернии возопийм:// Бже, спаси люди Твоя, и благослови достояние Твое.

Глас 1:

И ныне и присно и во веки веков. Аминь.

Догматик: Всемирную славу,/ от человек прозябшую,/ и Владыку рождшую,/ небесную дверь,/ воспойм Марию Деву,/ безплотных песнь, и верных удобрение./ Сия бо явися небо, и храм Божества:/ Сия преграждение вражды разрушивши,/ мир введе, и Царствие отверзе./ Сию убо имуще веры утверждение,/ поборника имамаи из Нея рождшагося Господа./ Дерзайте убо, дерзайте людие Божии:/ ибо Той победит враги,// яко Всесилен.

Вход с кадилом:

Диакон: Премудрость, прости.

Свете Тихий:

Хор: Свете Тихий святыя славы Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевши свет вечерний, поем Отца, Сына и Святаго Духа, Бога. Достин еси во вся времена пет быти

гласы преподобными, Сыне Божий, живёт дай; темже мир Тя славит.

Диакон: Вѣнчнем.

Иерей: Мир всем.

Хор: И дѹхови твоёмѹ.

ПРОКІМЕН ВОСКРЭСНЫЙ:

Диакон: Премѹдрость вѣнчнем. Прокімен, глас 6-й:

Госпѡдь воцаріся, в лѣпоту облечеса.

Хор: Госпѡдь воцаріся, в лѣпоту облечеса.

Диакон: Облечеса Госпѡдь в сілу, и препоясая.

Хор: Госпѡдь воцаріся, в лѣпоту облечеса. *(На каждый стих)*

Стих 2. Ибо утверди вселенную, яже не подвижится.

Стих 3. Дѡму Твоёмѹ подобает святѣя, Господи, в долготѹ дней.

Диакон: Госпѡдь воцаріся.

Хор: В лѣпоту облечеса.

ЕКТЕНІЯ СУГѸБАЯ:

Диакон: Рцем вси от всея дѹшї, и от всего помышления нашего рцем.

Хор: Господи, помилуй.

Диакон: Господи Вседержителю, Бже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Бже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Ещё молимся о Великом Господине и Отце нашем Святейшем Патриархе **Кирилле**, и всей во Христе братии нашей.

Ещё молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателех святаго храма сего, и о всех преждепочивших отцех и братиях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

Ещё молимся о плодоносящих и добродѣющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Дѹху, ныне и присно и во веки веков.

Хор: Аминь.

Сподоби, Господи:

Хор: Сподоби, Господи, в вечер сей без греха сохранитися нам. Благословен еси, Господи, Бже отец наших, и хвалено и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святей, просвети мя оправданием Твоим.

Господи, милость Твоя во век, дел рукѹ Твоею не презри. Тебе подобает

хвалá, Тебé подобáет пéние, Тебé слáва подобáет. Отцú и Сýну и Святóму Дúху, ны́не и прýсно и во вéки векóв. **Амíнь.**

ЕКТЕНИЯ ПРОСИТЕЛЬНАЯ:

Диáкон: Исполним вечернюю молитву нашу Господеви.

Хор: Господи, помилуй.

Диáкон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диáкон: Вечера всего совершенна, свята, мирна и безгрешна у Господа просим.

Хор: Подáй, Господи. *(На каждое прошение)*

Диáкон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебé, Господи.

Иерей: Яко Благ и Человеколюбец Бог еси, и Тебé славу возсылаем, Отцú и Сýну и Святóму Дúху, ны́не и прýсно и во вéки векóв.

Хор: Амíнь.

Иерей: Мир всем.

Хор: И дúхови твоёмú.

Диáкон: Главы наша Господеви приклоним.

Хор: Тебé, Господи.

Иерей: Буди держава Царствия Твоего благословена и препрославлена. Отца и Сына и Святаго Духа, ны́не и прýсно и во вéки векóв.

Хор: Амíнь.

СТИХИРЫ НА СТИХОВНЕ:

Стихиры воскресные, глас 1:

Стихира: Страстию Твоею, Христé,/ от страстей свободихомся,/ и воскресением Твоим из истления избавихомся, // Господи, слава Тебé.

Стих: Господь воцарися, // в лепоту облечеса.

Стихира: Да радуется тварь, небеса да веселятся, / руками да восплещут языцы с веселием: / Христос бо Спас наш, на Кресте пригвозди грехи наша: / и смерть умертвив, живот нам дарова, / падшаго Адама всероднаго Воскресивый, // яко Человеколюбец.

Стих: Ибо утверди вселенную, // яже не подвижится.

Стихира: Царь сый небесé и земли непостижиме, / волею распялся еси за человеколюбие. / Егóже ад срет доле, огорчися, / и праведных души приемша, воз-

радовашася:/ Адам же, видев Тя, Зиждителя в преисподних, воскресе./ О чудесе! Како смерти вкуси всех жизнь;/ но якоже восхотé мир просветити зовущий и глаголющий:// Воскресый из мертвых, Господи, слава Тебе.

Стихира Трибди, глас 2:

Слава Отцу и Сыну и Святому Духу.

Стихира: Из нечестия во благочестие прешедше,/ и светом разума просветившеся,/ псаломски руками восплещим,/ благодарственно хвалу Богу приносяще,/ и на стенах, и дсках, и на священнх сосудех,/ начертанным священным образом Христовым,/ и Пречистыя, и всех святых,/ честно поклонимся, отлагаяще злочестную зославных веру,/ [честь бо образа, якоже глаголет Василий, на первообразное преходит,]/ просяще молитвами Пречистыя Твоей Матере, Христé Боже наш, и всех святых,// даровати нам велию милость.

Богородичен воскресный, глас 2:

И ныне и присно и во веки веков. Аминь.

Стихира: О, чудесе новаго всех древних чудес!/ Кто бо позна мать без мужа рождшую,/ и на руку носящую,/ всю тварь Содержащаго?/ Божие есть изволение, Рождшееся./ Егоже яко Младенца, Пречистая,/ Твоима руками носившая,/ и Матерне дерзновение к Немú имущая,/ не престай молящи о чтущих Тя,// ущедрити и спасти души наша.

МОЛИТВА СЯТÓГО СИМЕÓНА БОГОПРИИМЦА:

Хор: Нýне отпуцаеши раба Твоего, Владыко,/ по глаголу Твоему, с миром;/ яко видеста очи мой спасение Твое,/ еже еси уготовал пред лицем всех людей,/ свет во откровение языков,// и славу людей Твоих Израиля.

ТРИСВЯТÓЕ ПО ОТЧЕ НАШ:

Чтец: Святый Боже, Святый Крепкий, Святый Безсмертный, помилуй нас. *(Трижды)*
Слава Отцу и Сыну и Святому Духу, и ныне и присно и во веки веков. Аминь.
Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.
Господи, помилуй. *(Трижды)*
Слава Отцу и Сыну и Святому Духу, и ныне и присно и во веки веков. Аминь.
Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

ТРОПАРЬ, ГЛАС 4:

Хор: Богородице Дѣво, радуйся,/ Благодатная Маріе, Господь с Тобѡю:/ благо-
словѣна Ты в женѣх/ и благословѣн Плод чрева Твоего, // яко Спаса родила
еси душ наших. *(Дважды)*

ТРОПАРЬ ПРАЗДНИКА ТРИОДИ, ГЛАС 2:

Пречистому Образу Твоему поклоняемся, Благій,/ просяще прощѣния пре-
грешѣний наших, Христѣ Бѡже,/ волею бо благоволил еси плѡтию взѣти на
Крест,/ да избавиши, яже создал еси, от работы вражия./ Тем благодарственно
вопием Ти:/ радости исполнил еси вся, Спасе наш, // пришедый спасти мир.

Хор: Буди Имя Господне благословѣно от ныне и до века. *(Трижды)*

ПСАЛОМ 33:

Хор: Благословлю Господа на всякое время,/ вѣну хвала Егѡ во устѣх моих./ О
Господе похвалится душа моя,/ да услышат кротцыи, и возвеселятся./ Возве-
личите Господа со мною,/ и вознесем Имя Егѡ вкупе./ Взысках Господа, и услыша
мя,/ и от всех скорбей моих избави мя./ Приступите к Немѡ, и просветитесь,/ и
лица ваша не постыдятся./ Сей нищій воззва, и Господь услыша и,/ и от всех
скорбей егѡ спасе и./ Ополчѣтся ангел Господень ѡкрест боящихся Егѡ,/ и из-
бавит их./ Вкусите и видите, яко благ Господь:/ блажен муж, иже уповает Нань./
Бойтесь Господа, вси святїи Егѡ,/ яко несть лишѣния боящимся Егѡ./ Богѣтии
обнищаша и взалкаша:/ взыскающии же Господа // не лишѣтся всякаго блага.

Иерей: Благословѣние Господне на вас, Тогѡ благодатию и человеколюбіем, всегда, ныне и
присно и во веки веков.

Хор: Амѣнь.

УТРЕНЯ.

Хор: Сла́ва в вы́шних Бо́гу, и на земли́ мир, в челове́цех благоволе́ние. *(Трижды)*
Го́споди, устне́ мой отве́рзеши, и уста́ моя возвестя́т хвалу́ Твою́. *(Дважды)*

Чтец: ПСАЛОМ 3:

Го́споди, что ся умно́жиша стужа́ющие ми́? Мно́зи востаю́т на мя, мно́зи глаго́лют ду́ши мое́й: несть спасе́ния ему́ в Бо́зе его́. Ты же, Го́споди, засту́пник мой еси́, сла́ва моя́ и вознося́й главу́ мою́. Гла́сом моим ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Госпо́дь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми́ всу́е: зу́бы грешников сокруши́л еси́. Госпо́дне есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, я́ко Госпо́дь засту́пит мя.

ПСАЛОМ 37:

Го́споди, да не я́ростию Твоею́ обличи́ши мене́, ниже́ гне́вом Твоим нака́жеша мене́. Я́ко стрéлы Твоя́ унзо́ша во мене́, и утверди́л еси́ на мене́ ру́ку Твою́. Несть исцеле́ния в плóти мое́й от лица́ гне́ва Твоего́, несть ми́ра в костéх мои́х от лица́ грех мои́х. Я́ко беззакóния моя́ превзыдо́ша главу́ мою́, я́ко брeмя тяжкое отяготéша на мене́. Возсмердéша и согни́ша раны́ моя́ от лица́ безумия́ моего́. Пострада́х и сляко́хся до конца́, весь день сeтуя́ хожда́х. Я́ко лядвия́ моя́ напо́лнишася поругáний, и несть исцеле́ния в плóти мое́й. Озло́блен бых и смири́хся до зeла́, рыка́х от воздыхáния сeрдца́ моего́. Го́споди, пред Тобо́ю все желáние мое́ и воздыхáние мое́ от Тебé не утайся. Сeрдце́ мое́ смятeся, оста́ви мя́ сила́ моя́, и свет óчию́ моею́, и той несть со мно́ю. Друзи́ мои́ и и́скреннии мои́ прýмо мене́ прибли́жишася и стáша, и бли́жнии мои́ отдалéче мене́ стáша и нуждáхуся и́щущии ду́шу мою́, и и́щущии злáя мене́ глаго́лаху сýетная́ и льстивным весь день поучáхуся. Аз же я́ко глух не слы́шах и я́ко нем не отверзáяй уст свои́х. И бых я́ко человек не слы́шай и не имéй во устéх свои́х обличeния. Я́ко на Тя, Го́споди, упова́х, Ты услы́шиши, Го́споди Бо́же мой. Я́ко рех: да не когдá порáдуют ми́ ся врази́ мои́: и внегдá подви́жатися ногáм моим, на мя велерéчеваша. Я́ко аз на раны́ готóв, и болéзнь моя́ предо мно́ю есть вéину. Я́ко беззакóние мое́ аз возвещу́ и попеку́ся о гресé мое́м. Врази́ же мои́ живу́т и укрепíшася пáче мене́, и умно́жишася ненави́дящие мя́ без прáвды. Возда́ющие ми́ злáя возблагáя оболгáху мя́, занé гоня́х благосты́ню. Не оста́ви мене́, Го́споди Бо́же мой, не отступи́ от Мене́. Вонми́ в пóмощь мою́, Го́споди спасéния моего́.

Не остави мене, Господи Боже мой, не отступи от Мене. Вонми в помощь мою, Господи спасения моего.

ПСАЛОМ 62:

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пуста и непроходна, и безводна. Тако во святем явхся Тебе, видети силу Твою и славу Твою. Яко лучши милость Твоя паче живот, устне мои похвалите Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же всуе искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

ПСАЛОМ 87:

Господи Боже спасения моего, во дни возвах, и в нощи пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свобод, яко язвеннии спящи во гробе, ихже не помянул еси кому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от Мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мои. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрешит душу мою, отвращаеши лице Твое от Мене? Нищ есмь аз, и в трудех от юности моя; вознес же ся, смирихся, и изнемогах. На мне преидоша гневи Твои, устра-

шения Твоя возмутитиша мя, обыдоша мя яко вода, весь день одержаша мя вкупе. Удалил еси от Мене друга и искренняго, и знаемых моих от страстей.

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему.

Псалом 102:

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказал пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся Силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не от-

врати лица Твоего от Мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моеи, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

ВЕЛИКАЯ ЕКТЕНИЯ:

Диакон: Мiром Господу помолимся.

Хор: Господи, помилуй. *(На каждое прошение)*

Диакон: О Свiшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святейшем Патриархе **Кирилле**, честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем, всяком граде, стране и верою живущих в них, Господу помолимся.

О благорастворении воздухов, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

Бог Господь, ГЛАС 1:

Диакон: Бог Господь, и явися нам, благословен Грядый во Имя Господне.

Стих 1: Исповедаетеся Господеви, яко благ, яко в век милость Его.

Хор: Бог Господь, и явися нам, благословен Грядый во Имя Господне.

(И далее на каждый стих)

Стих 2: Обышэдше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егже небрегоша зидущии, Сей бысть во главу угла, от Господа бысть Сей, и есть дивен во очесех наших.

ТРОПАРЬ ВОСКРЕСНЫЙ, ГЛАС 1:

Хор: **Ка́мени запеча́тану от иуде́й/ и вои́ном стрегу́щим Пречи́стое Те́ло Твое́,/ воскресл еси́ триднэ́вный, Спа́се,/ да́руяй ми́рови жизнь./ Сего́ ра́ди Си́лы Небе́сныя вопи́яху Ти, Жизнода́вче:/ сла́ва Воскресе́нию Твоему́, Христэ́,/ сла́ва Ца́рствию Твоему́, // сла́ва смотре́нию Твоему́, еди́не Человеколю́бче *(Дважды)***

Сла́ва Отцу́ и Сы́ну и Свято́му Ду́ху.

ТРОПАРЬ ПРАЗДНИКА ТРИОДИ, ГЛАС 2:

Пречи́стому О́бразу Твоему́ покланя́емся, Благо́й,/ прося́ще прощэ́ния прегреше́ний на́ших, Христэ́ Бо́же,/ волею́ бо благоволи́л еси́ плóтию взы́ти на Крест,/ да изба́виши, я́же создáл еси́, от рабóты вра́жия./ Тем благодарственнó вопи́ем Ти:/ ра́дости испо́лнил еси́ вся, Спа́се наш, // прише́дый спасти́ мир.

И ны́не и прýсно и во ве́ки веко́в. Ами́нь.

БОГОРО́ДИЧЕН ВОСКРЕСНЫЙ, ГЛАС 2:

Вся па́че смýсла,/ вся пресла́вная Твоя́, Богоро́дице, та́инства,/ чистоте́ запеча́танной, и дэ́вству храни́му,/ Ма́ти позна́лася еси́ нелóжна,/ Бо́га ро́ждши и́стиннаго, // Того́ моли́ спасты́ся душа́м на́шим.

КАФЫ́ЗЫ:

КАФЫ́ЗМА ВТОРА́Я:

Псалом 14:

Го́споди, кто обита́ет в жили́щи Твое́м? Или́ кто вселит́ся во святу́ю го́ру Твою́? Ходя́й непоро́чен и дэ́лаяй пра́вду, глаго́ляй и́стину в се́рдце своéм. И́же не ульсти́ язы́ком сво́им и не сотвори́ и́скреннему́ своéму́ зла, и поноше́ния не при́ят на бли́жния своя́. Уничижэ́н есть пред ним лука́внуяй, боя́щия же ся Го́спода сла́вит, кленýйся и́скреннему́ своéму и не отмета́йся. Сребра́ свое́го не даде́ в ли́хву и мзды на непови́нных не при́ят. Твори́й сия́ не подви́жится во век.

Псалом 15:

Сохрани́ мя, Го́споди, я́ко на Тя упова́х. Рех Го́сподеви: Госпо́дь мой еси́ Ты, я́ко благо́их мо́их не тре́буеши. Святы́м, и́же суть на земли́ Егó, удиви́ Госпо́дь вся хотэ́ния Своя́ в них. Умно́жишася нэ́мощи их, по сих ускори́ша: не соберу́ собóры их от крове́й, ни помяну́ же имéн их устна́ма мо́йма. Госпо́дь часть досто́яния моего́ и ча́ши моея́, Ты еси́ устро́яяй досто́яние моé мне. У́жя нападо́ша ми в держа́вных мо́их, и́бо досто́яние моé держа́вно есть мне. Благословлю́ Го́спода, вразуми́вшего мя, ещэ́ же и до но́щи нака́заша мя утробы́ моя́. Предзрэ́х Го́спода предо мно́ю вы́ну, я́ко одесну́ю мене́ есть, да не подви́жуся. Сего́ ра́ди возвесели́ся се́рдце моé, и возра́довася язы́к мой,

еще же и плоть моя вселится на уповании. Яко не оставиши душу мою во аде, ниже даши преподобному Твоему видети истления. Сказал ми еси пути живота, исполниши мя веселия с лицем Твоим, красота в деснице Твоей в конец.

Псалом 16:

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возлаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящие мя ныне обыдоша мя, очи свои возложаша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внегда явити ми ся славе Твоей.

Чтец: Слава Отцу и Сыну и Святому Духу и ныне и присно и во веки веков. **Аминь.**
Аллилуиа, аллилуиа, аллилуиа, слава Тебе Боже. *(Трижды)*

ЕКТЕНИЯ МАЛАЯ

Диакон: Паки и паки миром Господу помоблимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

СЕДАЛЬНЫ ВОСКРЕСНЫЕ, ГЛАС 1:

Гроб Твой, Спасе, воيني стрегущии,/ мертвии от облистания явльшагося

ангела быша,/ проповедающа женам воскресение./ Тебе славим тли потребителя,/ Тебе припадаем, Воскресшему из гроба, // и Единому Богу нашему.

Слава Отцу и Сыну и Святому Духу и ныне и присно и во веки веков. Аминь.

Богородичен: Гавриилу, вещавшу Тебе, Дево, радуйся,/ со гласом воплощашеся всех Владыка,/ в Тебе, Святом Кивоте,/ якоже рече праведный Давид;/ явилася еси ширшая небес,/ поносивши Зиждителя Твоего./ Слава Всельшемуся в Тя,/ слава Прошедшему из Тебе, // слава Свободившему нас рождеством Твоим.

Полиелей:

Хор: Хвалите Имя Господне, хвалите, рабы Господа.

Аллилуиа, аллилуиа, аллилуиа.

Благословен Господь от Сиона, живый во Иерусалиме.

Аллилуиа, аллилуиа, аллилуиа.

Исповедайтесь Господеви, яко Благ, яко в век милость Его.

Аллилуиа, аллилуиа, аллилуиа.

Исповедайтесь Богу Небесному, яко в век милость Его.

Аллилуиа, аллилуиа, аллилуиа.

Тропарь воскресные, глас 5:

Хор: **Благословен еси, Господи,/ научи мя оправданием Твоим./**

Ангельский собор удивися,/ зря Тебе в мертвых вменившася,/ смертную же, Спасе, крепость разорыша,/ и с Собою Адама воздвигша, // и от ада вся свободяша.

Благословен еси, Господи,/ научи мя оправданием Твоим./

Почто мира с милостивными слезами,/ о ученицы растворяете?/ Блистая в гробе Ангел/ мирносицам вещаше:/ видите вы гроб и уразумейте, // Спас бо воскрес от гроба.

Благословен еси, Господи,/ научи мя оправданием Твоим./

Зело рано мирносицы течаху/ ко гробу Твоему рыдающия,/ но предста к ним Ангел, и рече:/ рыдания время преста, не плачите, // воскресение же апостолом рците.

Благословен еси, Господи,/ научи мя оправданием Твоим./

Мирносицы жены, с мйры пришедша/ ко гробу Твоему, Спасе, рыдаху,/ Ангел же к ним рече, глаголя:/ что с мертвыми Живаго помышляете? // Яко Бог бо воскрес от гроба.

Слава Отцу и Сыну и Святому Духу./

Поклонимся Отцу,/ и Его Сынови, и Святому Духу,/ Святей Троице во едином существе, с Серафимы зовуще:/ Свят, Свят, Свят еси, Господи.

И ныне и присно и во веки веков. Аминь./

Жизнодавца рождши,/ грехá, Дéво, Адама избáвила еси,/ рáдость же Ёве в печáли мéсто подалá еси;/ пáдшия же от жízни/ к сей направи,// из Тебé воплотívыйся Бог и Человéк.

Аллилу́иа, аллилу́иа, аллилу́иа, // сла́ва Тебé, Бо́же. (Трижды)

ЕКТЕНИЯ МАЛАЯ:

Диáкон: Па́ки и па́ки мíром Го́споду помóлимся.

Хор: Го́споди, помíлуй.

Диáкон: Заступí, спасí, помíлуй и сохрани́ нас, Бо́же, Твоею́ благодáтию.

Хор: Го́споди, помíлуй.

Диáкон: Пресвяту́ю, Пречíстую, Преблагословéнную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себé и друг дру́га, и весь живóт наш Христу́ Бо́гу преда́дим.

Хор: Тебé, Го́споди.

Иерéй: Я́ко Благослови́ся И́мя Твое́, и просла́вится Цáрство Твое́, Отца́ и Сы́на и Свята́го Ду́ха ны́не и присно и во веки веков.

Хор: Аминь.

ИПАКОЙ, ГЛАС 1:

Разбóйничо пока́яние рай окра́де,/ плачь же миронóсиц рáдость возве́стí,/ я́ко воскрeсл еси́, Христе́ Бо́же, // пода́й мíрови ве́лию мíлость.

СТЕПЕННА, ГЛАС 1:

1 АНТИФОН:

Хор: Внегда́ скорбéти ми, услы́ши моя́ болéзнь, // Го́споди, Тебé зову́.

Пусты́нным непреста́нное Божéственное желáние бывáет, // мíра сущим сýетнаго кромé.

Сла́ва Отцу́ и Сы́ну и Свято́му Ду́ху и ны́не и присно и во веки веков. Аминь.

Свято́му Ду́ху честь и сла́ва, / я́коже Отцу́ подобáет, кúпно же и Сы́ну, // се-го́ рáди да поём Трóице Единодержáвие.

ПРОКlМЕН И ЧТЕНИЕ ЕВАНГЕЛИЯ:

Диáкон: Вóннем. Премудрость вóннем. Прокlмен, глас пёрвый: **Ны́не воскресну́, глаго́лет Господь, / положу́ся во Спасéние, не обиню́ся о нем.**

Хор: **Ны́не воскресну́, глаго́лет Господь, / положу́ся во Спасéние, не обиню́ся о нем.**

Диáкон: Словеса́ Господня, словеса́ чíста.

Хор: **Ны́не воскресну́, глаго́лет Господь, / положу́ся во Спасéние, не обиню́ся о нем.**

Диáкон: **Ны́не воскресну́, глаго́лет Господь**

Хор: **Положу́ся во Спасéние, не обиню́ся о нем.**

Диáкон: Го́споду помóлимся.

Хор: Гóсподи, помíлуй.

Иерей: Я́ко Свят еси́ Бóже наш, и во святых́ почива́еши, и Тебé сла́ву воссыла́ем, Отцу́ и Сы́ну и Свято́му Ду́ху, ны́не и прýсно и во ве́ки веко́в.

Хор: Ами́нь.

Диакон: Вся́кое дыха́ние да хва́лит Гóспода.

Хор: Вся́кое дыха́ние да хва́лит Гóспода.

Диакон: Хвали́те Бóга во святых́ Его́, хвали́те Его́ во утвер́жении си́лы Его́.

Хор: Вся́кое дыха́ние да хва́лит Гóспода.

Диакон: Вся́кое дыха́ние.

Хор: Да хва́лит Гóспода.

Диакон: И о сподóбитися нам слы́шанию Свята́го Ева́нгелия, Гóспода Бóга мо́лим.

Хор: Гóсподи, помíлуй. *(Трижды)*

Диакон: Премудрость, прóсти, услы́шим Свята́го Ева́нгелия.

Иерей: Мир всем.

Хор: И ду́хови тво́ему.

Иерей: От Иоáнна Свята́го Ева́нгелия чтéние.

Хор: Сла́ва, Тебé, Гóсподи, сла́ва Тебé.

Диакон: Вóннем.

(Евангелие воскресное 9-е, Ин., зач.65:)

Иерей: Сýщу по́зде в день той, во еди́ну от суббо́т, и двéрем затворéнным, иде́же б́яху ученицы́ Его́ со́брани стра́ха ра́ди иудéйска, при́иде Иису́с, и ста посреде́, и глаго́ла им: мир вам. И сиé рек, показá им рýце, и но́зе, и ре́бра своя́: возра́довашася же ученицы́ ви́девши Гóспода. Рече́ же им Иису́с па́ки: мир вам. Я́коже посла́ Мя Оте́ц, и Аз посыла́ю вы. И сиé рек, дýну, и глаго́ла им: примите́ Дух Свят. Ёмже отпу́стите грехи́, отпу́стятся им: и ёмже держите́, держáтся. Фома́ же еди́н от обоюна́дешате, глаго́лемый близне́ц, не бе ту с ни́ми, егда́ при́иде Иису́с. Глаго́лаху же ему́ друзии́ ученицы́: ви́дохом Гóспода. Он же рече́ им: а́ще не ви́жду на руку́ Его́ я́звы гвозди́нныя, и вложу́ перста́ моего́ в я́звы гвозди́нныя, и вложу́ рýку мою́ в ре́бра Его́, не иму́ ве́ры. И по днех осми́х па́ки б́яху вну́три ученицы́ Его́, и Фома́ с ни́ми. При́иде Иису́с двéрем затворéнным, и ста посреде́ их, и рече́: мир вам. Потóм глаго́ла Фо́ме: принеси́ перст твой се́мо, и ви́ждь рýце Мо́й, и принеси́ рýку твою́, и вложи́ в ре́бра Мо́я, и не б́уди неверен, но верен. И отве́ща́ Фома́, и рече́ Ему́: Госпо́дь мой, и Бог мой. Глаго́ла ему́ Иису́с: я́ко ви́дев Мя, ве́рова: Блаже́ни не ви́девшии, и ве́ровавши. Мнóга же и и́на зна́мения сотвори́ Иису́с пред ученики́ Своими́, я́же не суть пи́сана в кни́гах сих. Сия́ же пи́сана бы́ша, да ве́руете, я́ко Иису́с есть Христо́с Сын Бóжий: и да ве́рующе, живота́ имате во и́мя Его́.

Хор: Сла́ва, Тебé, Гóсподи, сла́ва Тебé.

ВОСКРЕ́СНАЯ ПЕСНЬ ПО ЕВА́НГЕЛИИ, ГЛАС 6:

Воскресе́ние Христо́во ви́девши,/ поклони́мся Свято́му Гóсподу Иису́су,/ еди́ному безгрéшному,/ Кресту́ Тво́му поклоня́емся, Христé,/ и свято́е Воскре́се́ние Твоё́ поём и сла́вим:/ Ты бо еси́ Бог наш,/ ра́зве Тебé ино́го не зна́ем,/ и́мя Твоё́ имену́ем./ Прииди́те вси ве́рнии,/ поклони́мся Свято́му Христо́ву Воскре́се́нию:/ се бо при́иде Крестом́ ра́дость все́му ми́ру./ Всегда́ благословя́ще Гóспода,/

поём Воскресение Его:/ распятие бо претерпёв, // смёртию смерть разруши́.

Глас 8:

Хор: **Сла́ва Отцу́ и Сы́ну и Свято́му Ду́ху./** Покая́ния отве́рзи ми двéри Жизнода́вче,/ у́тренюет бо дух мой ко хра́му свято́му Твоему́,/ храм нося́й телесный весь оскверне́н:/ но я́ко щедр, очисти// благоутро́бною Твоею́ ми́лостию.

И ны́не и прѣсно и во ве́ки веко́в. Ами́нь./ На спасе́ния стези́ наста́ви мя Богоро́дице,/ студи́ными бо окаля́х ду́шу грехми́,/ и в ле́ности все жити́е моё иждѣх:/ но Твоѣми моли́твами// изба́ви мя от вся́кия нечисто́ты.

Глас 6:

Помѣлуй мя, Бо́же,/ по вели́цей ми́лости Твое́й,/ и по мно́жеству щедро́т Твоѣх// очисти беззако́ние моё.

Мно́жества соде́янных мно́ю лю́тых, помышля́я окая́нный,/ трепещу́ стра́шнаго дне су́днаго:/ но наде́йся на ми́лость благоутро́бия Твоего́,/ я́ко Дави́д вопи́ю Ти:/ помѣлуй мя Бо́же// по вели́цей Твое́й ми́лости.

Диакон: **Спаси́, Бо́же, лю́ди Твоѣ и благослови́ досто́яние Твоё, посети́ мир Твой ми́лостию и щедро́тами, возвы́си рог христиа́н правосла́вных и низпосли́ на ны ми́лости Твоѣ богáтыя, моли́твами всепречи́стыя Владѣчицы на́шея Богоро́дицы и Присноде́вы Мари́и, си́лою Честна́го и Животворя́щаго Креста́, предста́тельства честных Небе́сных Си́л безплотных, честна́го, сла́внаго проро́ка, Предте́чи и Крестите́ля Иоáнна, святых сла́вных и всехва́льных Апосто́л, ѿже во святых о́тец на́ших и вселе́нских вели́ких учи́телей и святите́лей, Васи́лия Вели́каго, Григо́рия Богосло́ва и Иоáнна Златоуста́го, ѿже во святых о́тца́ на́шего Никола́я, архиепи́скупа Мирлики́йскаго, чудотво́рца, святых равноапосто́льных Мефо́дия и Кири́лла, учи́телей словенских, святых равноапосто́льных вели́каго кня́зя Влади́мира и вели́кия княги́ни О́льги, ѿже во святых о́тец на́ших: святите́ля Михаѣла, пе́рвого митрополи́та Кие́вскаго, первосвя́тителей Моско́вских и всея́ Руси́: Петра́, Алекси́я, Ио́ны, Мака́рия, Филиппа, Йо́ва, Еρμοге́на и Ти́хона, митрополи́тов Моско́вских Филаре́та, Иннокенти́я и Мака́рия. Святых, сла́вных и добропобе́дных му́чеников, новому́чеников и испове́дников Росси́йских: Влади́мира, митрополи́та Кие́вскаго, Вениами́на, митрополи́та Петрогра́дскаго, Петра́, митрополи́та Крути́цкаго, Иларио́на, архиепи́скупа Верѣ́йскаго, святых ца́рственных страстоте́рпцев, преподо́бномучени́ц вели́кия княги́ни Елиса́веты и иноки́ни Варва́ры, преподо́бных и богоносных о́тец на́ших, преподо́бных о́тец ста́рцев О́птинских, святых пра́ведных Иоáнна Кроншта́дтскаго и Алекси́я Моско́вскаго, святых блаже́нных Ксе́нии Петербу́ржския и Матро́ны Моско́вския, святых и пра́ведных богооте́ц Иоакима́ и А́нны (*и свята́го имярек, е́гоже е́сть день*), и всех святых. Мо́лим Тя́, многомѣлостиве Го́споди, услы́ши нас, грешных, моля́щихся Тебе́, и помѣлуй нас.**

Хор: **Го́споди, помѣлуй. (12 раз)**

Иерей: **Ми́лостию и щедро́тами и человеколю́бием единоро́днаго Твоего́ Сы́на, с Ни́мже благослове́н еси́, со Пресвяты́м, и Благи́м, и Животворя́щим Твоѣм Ду́хом, ны́не и прѣсно, и во ве́ки веко́в.**

Хор: **Ами́нь.**

КАНОН:

ПЕСНЬ 1:

КАНОН ВОСКРЕСНЫЙ, ГЛАС 1:

Ирмос: **Твоя победительная десница/ Боголепно в крепости прославися:/ та бо, Безсмертне,/ яко всемогущая, противныя сотре,// Израильтяном путь глубины новосоделавшая.**

Припев: **Слава Господи, святому Воскресению Твоему.**

Тропарь: **Иже рукама пречистыма от персти/ богодетельне исперва создав мя,/ руке распротерл еси на кресте,/ от земли взывая тленное мое тело,// еже от Девы приял еси.**

Припев: **Слава Господи, святому Воскресению Твоему.**

Тропарь: **Умерщвление подъял еси мене ради,/ и душу смерти предал еси,/ Иже вдохновением божественным душу ми вложивый,/ и отрешив вечных уз, и совоскресив// нетлением прославил еси.**

КАНОН ТРИОДИ, ГЛАС 4:

Припев: **Слава Тебе, Боже наш, слава Тебе.**

Тропарь: **Плещуце с веселием днесь вернии возопийм:/ коль чудна дела Твоя Христэ, и велика сила,// наше единомыслие и согласие соделавый!**

Припев: **Слава Тебе, Боже наш, слава Тебе.**

Тропарь: **День радостный богомудреннии/ приидите совершим,/ ныне небо и земля веселится, и ангелов чини,// и человеков собрания изрядно празднующе.**

Слава Отцу и Сыну и Святому Духу.

И ныне и присно и во веки веков, аминь.

КАТАВАСИЯ, ГЛАС 4:

Хор: **Моря черную пучину,/ невлажными стопами/ древний пешествовав Израиль,/ крестообразными Моисеевыми рукама,// Амаликову силу в пустыни победил есть.**

ПЕСНЬ 3:

КАНОН ВОСКРЕСНЫЙ, ГЛАС 1:

Ирмос: **Едине ведый человеческого существа немощь/ и милостивно в невоображся,/ препояши мя с высоты силою,/ еже вопити Тебе, Святыи,// одушевленный храме неизреченныя славы Твоея, Человеколюбче.**

Припев: **Слава Господи, святому Воскресению Твоему.**

Тропарь: **Бог Сый мне, Блаже, падшаго ущедрил еси,/ и сняти ко мне благоволив, вознесл мя еси распятием,/ еже вопити Тебе, Святыи:// Храме одушев-**

лённый неизречённая Твоея славы, Человеколюбче.

Припев: Слава Господи, святому Воскресению Твоему.

Тропарь: Живот ипостасный Христе сый, / в истлѣвша мя, яко Милосердый Бог, обѣлкъся, / в персть смѣртную сошед, Владыко, / смѣртную державу разрушил еси, / и мертв триднѣвен воскрес, // в нетлѣние мя облѣкл еси.

Канон Триоди, глас 4:

Припев: Слава Тебѣ, Боже наш, слава Тебѣ.

Тропарь: Не ктому нечестивых еретиков ныне бровь взѣмлетъ: // Божия бо сила православіе удержала есть.

Припев: Слава Тебѣ, Боже наш, слава Тебѣ.

Тропарь: Облаци пророчестии, / животворящую с небесѣ днесь рѣсу нам да кропят, // на востание веры.

Слава Отцу и Сыну и Святому Духу.

И ныне и присно и во веки веков, аминь.

Катавасия, глас 4:

Хор: Веселится о Тебѣ Церковь Твоя, Христе, зовущи: / Ты моя крепость, Господи, // и прибежище, и утверждение.

Ектенія малая:

Диакон: Паки и паки миром Господу помѣлимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марію, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко Ты еси Бог наш, и Тебѣ славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Седален из Триоди, глас 1, подобен: «Лик Ангельский...»:

Божественный Твой зрак, во образе образующе, Христе, / ясно вопиѣм Рождество, / чудеса неизглаголанная, вольное распятие. / Отонудуже бесове отгонятся страхом, / и злославнии в посуплении рыдают, // яко сих сопричастницы.

Слава Отцу и Сыну и Святому Духу.

Другой седален из Триоди, глас 1, подобен: «Лик Ангельский...»:

Зраками пророков, апостолов видами, / мучеников священных, и святых всех иконами, / и изображеньми священно красуется, / Жениха же мысленнаго и

Невесты украшается умными красованьми, // матери вышний Сион.

И ныне и присно и во веки веков. Аминь.

БОГОРОДИЧЕН ИЗ ТРИОДИ, ГЛАС 1:

Любовию, Чистая, Твою святую икону почитающим, / и Божию Тя истинную Матерь согласно возвещающим, / и верно поклоняющимся Ти, / хранительница явилася еси, и державное предстательство, / отвращающи всякое лютое далече сих, // яко вся могущая.

ПЕСНЬ 4:

КАНОН ВОСКРЕСНЫЙ, ГЛАС 1:

Ирмос: **Гору Тя благодатию Божиею приосененную, / прозорливыма Аввакум // усмотрив очима, / из Тебе избити Израилеву провозглашаше Святому, // во Спасение наше и обновление.**

Припев: **Слава Господи, святому Воскресению Твоему.**

Тропарь: **Кто сей Спас иже из Едома исходя, венец нося терновен, / очервленну ризу имый, на древе вися; / Израилев есть Сей Святыи, // во Спасение наше и обновление.**

Припев: **Слава Господи, святому Воскресению Твоему.**

Тропарь: **Видите людие непокоривии, и устыдитесь: / Егоже бо яко злодея вы вознести на крест у Пилата испросите умовредне, // смерти разрушив силу, боголепно воскрес из гроба.**

КАНОН ТРИОДИ, ГЛАС 4:

Припев: **Слава Тебе, Боже наш, слава Тебе.**

Тропарь: **Найдем Божественным Утешителя, Твой храм освятит, / и пришествием Сего еретическую прелесть отженит, // Слове Божий многомилостиве.**

Припев: **Слава Тебе, Боже наш, слава Тебе.**

Тропарь: **Нужнейшаго избавивый злочестия Твоя люди, / покажи благочестия ревностию разжжены, / и верою взывающия: // слава силе Твоей, Господи.**

Слава Отцу и Сыну и Святому Духу.

И ныне и присно и во веки веков, аминь.

КАТАВАСИЯ, ГЛАС 4:

Хор: **Вознесена Тя видевши Церковь на Кресте, / солнце праведное, / ста в чине своем, / достойно взывающия: // слава силе Твоей, Господи.**

ПЕСНЬ 5:

КАНОН ВОСКРЕСНЫЙ, ГЛАС 1:

Ирмос: **Просветивый сиянием пришествия Твоего, Христе, / и осветивый Крестом Твоим мира концы, / сердца просвети светом Твоего Богора-**

зумия, // православно поющих Тя.

Припев: Слава Господи, святому Воскресению Твоему.

Тропарь: Пастыря овцам великаго и Господа, / иудеи древом крестным умертвиша: / но Той яко овцы, мертвыя, во аде погребенныя, // державы смертныя избави.

Припев: Слава Господи, святому Воскресению Твоему.

Тропарь: Крестом Твоим мир благовестив, / и проповедав пленным, Спасе мой, оставление, / державу имущаго посрамил еси, Христэ: // нага, обнищавша показавый Божественным востанием Твоим.

Канон Триоди, глас 4:

Припев: Слава Тебе, Боже наш, слава Тебе.

Тропарь: Положи, Господи, Твоей Церкви утверждение, / непреклонней пребыти в век века // от смятений ересей.

Припев: Слава Тебе, Боже наш, слава Тебе.

Тропарь: Во всю землю светлость возсия свыше, / даннаго верным веселия, // и Божественнаго заступления.

Слава Отцу и Сыну и Святому Духу.

И ныне и присно и во веки веков, аминь.

Катавасия, глас 4:

Хор: Ты Господи мой, Свет в мир пришел еси. / Свет Святыи, обращаи из мрачна неведения, // верою воспевающих Тя.

Песнь 6:

Канон воскресный, глас 1:

Ирмос: Обиде нас последняя бездна, / несть избавляяй, / вменихомся, яко овцы закления, / спаси люди Твоя, Боже наш, // Ты бо крепость немощствующих и исправление.

Припев: Слава Господи, святому Воскресению Твоему.

Тропарь: Согрешением первозданнаго, Господи, люте уязвяхомся, / раною же исцелихомся Твоею, / еуже за ны уязвился еси, Христэ: // Ты бо крепость немощствующих и исправление.

Припев: Слава Господи, святому Воскресению Твоему.

Тропарь: Возвел ны еси из ада, Господи, / кита убив всеядца, Всесильне, / Твоею державою низложив того силу: // Ты бо Живот, и Свет еси, и Воскресение.

Канон Триоди, глас 4:

Припев: Слава Тебе, Боже наш, слава Тебе.

Тропарь: Пишется и почитается верно / покланяемый образ Владыки, / и приемлет

паки Церковь дерзновение, // благочестно Спаса прославляющи.

Припев: Слава Тебе, Боже наш, слава Тебе.

Тропарь: Обнажается сетования, и тьмы ересей Христова Церковь, / и носит ризу величия, // и Божественною и светоносною покрывается благодатию.

Слава Отцу и Сыну и Святому Духу.

И ныне и присно и во веки веков, аминь.

КАТАВАСИЯ, ГЛАС 4:

Хор: Пожру Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих // истекшею кровию.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

КОНДАК ПРАЗДНИКА ТРИОДИ, САМОГЛАСЕН, ГЛАС 2:

Неопищенное Слово Отчее, / из Тебе, Богородице, описася воплощаемь, / и осквернившийся образ в древнее вообразив, / Божественною добротой смеси, / но исповедаяще спасение, // делом и словом, сие воображаем.

ИКОС:

Сие смотрения таинство, / древле пророцы Боговидно вдохновени бывше, / нас ради в концы веков достигших предвозвестиша, / получивше сего сияния. / Разум убо Божественный от него вземше, / Единого Господа Бога знаем, / в трех Ипостасех покланяемого, / и Тому единому служаще, / едину веру, и едино крещение имуще, / во Христа облекомся, / но исповедаяще спасение, делом и словом, // сие воображаем.

ПЕСНЬ 7:

КАНОН ВОСКРЕСНЫЙ, ГЛАС 1:

Ирмос: Тебе умную, Богородице, пещь / разсмотрим, вернии, / якоже бо отроки спасе три Превозносимый, / мир обнови, во чреве Твоем все-

цел, // хвальный отец Бог и препрославлен.

Припев: Слава Господи, святому Воскресению Твоему.

Тропарь: Убойся земля, сокрыся солнце, и померже свет, / раздрася церковная божественная завеса, / камение же расседася: / на кресте бо висит Праведный, // Хвальный отец Бог, и препрославлен.

Припев: Слава Господи, святому Воскресению Твоему.

Тропарь: Ты быв аки безпомощен, / и уязвен в мертвых волею нас ради / превозносимый, вся свободил еси, / и державною рукою совоскресил еси, // хвальный отец Бог, и препрославлен.

Канон Триоди, глас 4:

Припев: Слава Тебе, Боже наш, слава Тебе.

Тропарь: Да сликовствует церковней светлости / любовь Божию Божественною ангельское воинство, / Богомудренно воспевающее: // благословен еси в храме славы Твоея, Господи.

Припев: Слава Тебе, Боже наш, слава Тебе.

Тропарь: Церковь перворожденных, и торжество радуется, / зряще ныне божественные люди, единомудренно воспевающие: // благословен еси в храме славы Твоея, Господи.

Слава Отцу и Сыну и Святому Духу.

И ныне и присно и во веки веков, аминь.

Катавасия, глас 4:

Хор: В пещи Авраамстии отроцы персидстей, / любовь благочестия паче, / нежели пламенем опаляеми взываху: // благословен еси в храме славы Твоея, Господи.

Песнь 8:

Канон воскресный, глас 1:

Ирмос: В пещи отроцы Израилевы, / якоже в горниле, добротой благочестия чистее злата блещахуся, глаголюще: / благословите, вся дела Господня, Господа, // пойте и превозносите во вся веки.

Припев: Слава Господи, святому Воскресению Твоему.

Тропарь: Иже волею вся творяй, и претворяяй, / обращая сень смертную в вечную жизнь, / страстию Твоею, Слове Божий, / Тебе непрестанно вся дела Господня, // Господа поим, и превозносим во вся веки.

Припев: Слава Господи, святому Воскресению Твоему.

Тропарь: Ты разорил еси сокрушение, Христэ, и окаянство,/ во вратех и твердынях адовых,/ воскрес из гроба тридневен./ Тебе непрестанно вся дела, яко Господа, поют, // и превозносят во вся веки.

КАНОН ТРИБОДИ, ГЛАС 4:

Припев: Слава Тебе, Боже наш, слава Тебе.

Тропарь: Законы Церкви отеческия сохраняюще, образы пишем,/ и лобзаим усты, и сердцем, и хотением/ Христовы, и Его святых, зовуще:// благословите вся дела Господня Господа.

Припев: Слава Тебе, Боже наш, слава Тебе.

Тропарь: На первообразное яве образа,/ почесть и поклонение возносяще,/ чтим, Богоглаголивых учением последующе,/ и Христу верою зовем:// благословите вся дела Господня Господа.

Благословим Отца, и Сына, и Святаго Духа, Господа.

И ныне и присно и во веки веков, аминь.

КАТАВА́СИЯ, ГЛАС 4:

Хор: Хвалим, благословим, поклоняемся Господеви, поюще и превозносяще во вся веки.

Руце распостер Даниил,/ львов зияния в рове затче:/ огненную же силу угасиша,/ добродетелию препоясавшися,/ благочестия рачители отроцы, зывающе:// благословите вся дела Господня Господа.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа,/ и возрадовася дух Мой о Бозе Спасе Моём.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Яко призре на смирение рабы Своея,/ се бо от ныне ублажат Мя вси роды.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Яко сотвори Мне величие Сильный,/ и свято Имя Его, и милость Его в роды родов боящимся Его.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Сотвори державу мшцею Своею,/ расточи гордыя мшслию сердца их.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Низложит сильныя со престол, и вознесет смиренныя;/ алчущия исполнит

благ, и богатящихся отпусти тщи.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

ПЕСНЬ 9:

КАНОН ВОСКРЕСНЫЙ, ГЛАС 1:

Ирмос: **Образ чистаго рождества Твоего,/ огнепальная купина показа непальная;/ и ныне на нас напастей свирепеющую угасити, молимся, пещь,// да Тя, Богородице, непрестанно величаем.**

Припев: **Слава Господи, святому Воскресению Твоему.**

Тропарь: **О како, людие беззаконнии и непокоривии,/ лукавая совещающе,/ гордаго и нечестиваго оправдиша:/ Праведнаго же на древе осудиша Господа славы,// Егоже достойно величаем!**

Припев: **Слава Господи, святому Воскресению Твоему.**

Тропарь: **Спасе Агнче Непорочне,/ Иже мира грехи вземый,/ Тебе славим воскресшаго тридневно,/ со Отцем и Божественным Твоим Духом,/ и Господа славы:// Егоже богословяще, величаем.**

КАНОН ТРИОДИ, ГЛАС 4:

Припев: **Слава Тебе, Боже наш, слава Тебе.**

Тропарь: **Священнописанными образы украшеную,/ зряще паки честную Церковь,/ со благоговением вси притецем и Богу возопийм:// Тебе величаем, Трисвятый.**

Припев: **Слава Тебе, Боже наш, слава Тебе.**

Тропарь: **Честь и славу стяжавши Церковь,/ Крест Твой и честныя иконы, и святых изображения,// с веселием, Владыко, и радостию величает Тя.**

Слава Отцу и Сыну и Святому Духу.

И ныне и присно и во веки веков, аминь.

КАТАВАСИЯ, ГЛАС 4:

Хор: **Камень нерукосечный/ от несекомыя горы Тебе, Дево,/ краеугольный отсечеса,/ Христос, совокупивый разстоящая естества,// Тем веселящаяся Тя, Богородице, величаем.**

ЕКТЕНИЯ МАЛАЯ:

Диакон: Паки и паки миром Господу помоблимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Тя хвалят вся силы небесныя, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Свят Господь Бог наш.

Хор: Свят Господь Бог наш

Диакон: Яко Свят Господь Бог наш.

Хор: Свят Господь Бог наш.

Диакон: Над всеми людьми Бог наш.

Хор: Свят Господь Бог наш.

ЕКСАПОСТИЛАРИЙ ВОСКРЕСНЫЙ ДЕВЯТЫЙ:

Заключенным Владыко дверем, яко вшел еси, / Апостолы исполнил еси Духа Пресвятаго, мирно дунув, / имже вязати же и решати грехи рекл еси: / и по осми днех Твоя ребра Фоме показал еси, и рuce. / С нимже вопием: // Господь и Бог Ты еси.

Слава Отцу и Сыну и Святому Духу.

СВЕТИЛЕН ИЗ ТРИОДИ, ПОДОБЕН: «СО УЧЕНИКИ ВЗЫДЕМ...»:

Взыграйте, воспещите, с веселием воспойте: / коль чудная и странная Твоя, Христе, вопиюще, дела! / И кто возможет изрещи, Спасе, могущества Тебе, / наше единомыслие и согласие // во едину соединившаго Церковь?

И ныне и присно и во веки веков. Аминь.

БОГОРОДИЧЕН ИЗ ТРИОДИ:

Оружия ныне оскудеша враждебныя ереси, / и память ея исчезе с шумом: / храм бо Твой, Всечистая, всеблаголепно зряще, / украшенный благодатьми честных икон, // радости исполняемся вси.

ХВАЛИТНЫ ПСАЛМЫ, ГЛАС 1:

Хор: Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его вси Ангели Его, / хвалите Его вся силы Его. // Тебе подобает

песнь Бóгу.

Стихиры воскресные, глас 1:

На 8. Стих: Сотвори́ти в них суд напи́сан:// сла́ва сия́ бу́дет всем преподо́бным Егó.

Стихира: Поём Твою́, Христé, спаси́тельную страсть,// и сла́вим Твоé Воскресе́ние.

Стих: Хвали́те Бóга во святы́х Егó,/ хвали́те Егó во утвержде́нии си́лы Егó.

Стихира: Крест претерпе́вый, и смерть упраздни́вый,/ и воскресы́й из ме́ртвых,/ умири́ нашу жизнь, Го́споди,// я́ко еди́н Всеси́лен.

Стихиры из Трибди, глас 4, подббен: «Дал еси́ зна́мение...»:

На 6. Стих: Хвали́те Егó на си́лах Егó,/ хвали́те Егó по мно́жеству вели́чества Егó.

Стихира: В Тебе́ ны́не ра́дуется Це́рковь, Человеколю́бче,/ Женисé и Созда́теле своём,/ сию́ во́лею Боголе́пною/ от идо́льския ле́сти изба́вльшем,/ и Себе́ обручи́вшем честно́ю крóвию,/ све́тло прие́млющи священно́е возставле́ние ико́н,// и ра́дующися Тя поёт, и сла́вит ве́рно.

Таже самогласна из Трибди, глас 6:

Сла́ва Отцу́ и Сы́ну и Свято́му Ду́ху.

Стихира: Моисе́й во вре́мя воздержáния/ закóн при́ят, и лю́ди привлече́;/ Или́я посты́вся небеса́ заключи́;/ трие́ же óтроцы Авра́амстии,/ мучи́теля беззакóннующа пощени́ем победи́ша./ Ё́мже и нас, Спа́се, сподо́би/ Воскресе́ние улучи́ти, си́це вопи́ющих:// Святы́й Бо́же, Святы́й Кре́пкий, Святы́й Безсме́ртный, поми́луй нас.

Глас 2:

И ны́не и при́сно и во ве́ки веко́в. Ами́нь.

Преблагослове́нна еси́, Богоро́дице Де́во,/ Вопло́щшим бо ся из Тебе́ ад плени́ся,/ Ада́м воззва́ся,/ кля́тва потреби́ся,/ Ё́ва свободи́ся,/ сме́рть умертви́ся, и мы ожи́хом./ Тем воспева́юще вопие́м:/ благослове́н Христóс Бог,// благово́ливый та́ко, сла́ва Тебе́.

Иерей: Сла́ва Тебе́, показáвшему нам све́т.

СЛАВОСЛÓВИЕ ВЕЛÍКОЕ:

Хор: Сла́ва в вы́шних Бóгу, и на земли́ мир, в челове́цах благово́ление. Хвали́м Тя, благослови́м Тя, кла́няем Ти ся, славосло́вим Тя, благодари́м Тя, вели́кия ра́ди сла́вы Твоея́. Го́споди Царю́ Небе́сный, Бо́же Óтче Вседержи́телю, Го́споди, Сы́не Единоро́дный, Иису́се Христé, и Святы́й Ду́ше. Го́споди Бо́же, А́гнче Бóжий, Сы́не Оте́чь, взéмляй грех ми́ра, поми́луй нас; взéмляй грехи́ ми́ра, приими́ мо́литву на́шу; седа́й одесну́ю Отца́, поми́луй нас. Я́ко Ты еси́ еди́н Свят, Ты еси́ еди́н Госпо́дь, Иису́с Христóс, в сла́ву Бóга Отца́. Ами́нь.

На всяк день благословлю́ Тя, и восхвалю́ Ё́мя Твоé во ве́ки, и в век ве́ка.

Сподо́би, Го́споди, в день сей без греха́ сохрани́тися нам. Благослове́н еси́,

Господи, Бóже отец наших, и хвально и прославлено Имя Твое во веки. **Аминь.**

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. *(Трижды)*

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Святый Бóже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**

Святый Безсмертный, помилуй нас.

Святый Бóже, Святый Крепкий, Святый Безсмертный, помилуй нас.

ТРОПАРЬ ВОСКРЕСНЫЙ, ГЛАС 1:

Хор: Днесь Спасение миру бысть, / поем Воскресшему из гроба, / и Начальнику жизни нашей: / разрушив бо смертью смерть, // победу даде нам и велию милость.

ЕКТЕНИЯ СУГУБАЯ:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Еще молимся о Великом Господине и Отце нашем Святейшем Патриархе **Кирилле**, и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцах и братиях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЕКТЕНИЯ ПРОСИТЕЛЬНАЯ:

Диакон: Исполним утреннюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Бóже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение.)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и доброго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебѣ, Господи.

Иерей: Яко Бог милости и щедрот и человеколюбия еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебѣ, Господи.

Иерей: Твое бо есть, еже милovati и спасати ны, Боже наш, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Премудрость.

Хор: Благослови.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебѣ, Христѣ Боже, Упование наше, слава Тебѣ.

Хор: Слава, и ныне. Господи, помилуй. (Трижды) Благослови.

Отпуст:

Иерей: Воскресый из мертвых Христос, Истинный Бог наш...

Многолетие:

Хор: Великаго Господина и Отца нашего **Кирилла**,/ Святѣйшаго Патриарха Московскаго и всея Руси,/ богохранимую страну нашу Россійскую,/ настоятеля, братию и прихожан святѣаго храма сего/ и вся православныя христианы,// Господи, сохрани их на многая лета.

Слава Отцу и Сыну и Святому Духу и ныне и присно и во веки веков. Аминь.

СТИХИРА ЕВАНГЕЛЬСКАЯ ДЕВЯТАЯ, ГЛАС 5:

Яко в последняя лета,/ сущу позде от суббот,/ предстал еси другом Христѣ,/ и чудесем чудо извествуеши,/ заключеным входом двѣрным,/ еже из мертвых Твое воскресение./ Но исполнил еси радости ученики,/ и Духа Свя-

таго препода́л еси́ им,/ и власть по́дал еси́ оставле́ния грехо́в/ и Фо́мы не оста́вил еси́ в неверств́ия погружа́тися бу́ри./ Те́мже пода́ждь и нам ра́зум и́стинный и оставле́ние прегреше́ний,// благоутро́бне Го́споди.

ЧИТАЕТСЯ ПЕРВЫЙ ЧАС:

- Чтец:** Приидите, поклонимся Царéви нашему́ Бо́гу.
Приидите, поклонимся и припаде́м Христу́, Царéви нашему́ Бо́гу.
Приидите, поклонимся и припаде́м Самому́ Христу́, Царéви и Бо́гу нашему́.

ПСАЛО́М 5:

Глаго́лы моя́ внуши́, Го́споди, разуме́й зва́ние моё. Вонми́ гла́су моле́ния моего́, Царю́ мой и Бо́же мой, я́ко к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Я́ко Бог не хотя́й беззакон́ия, Ты еси́: не приселит́ся к Тебе́ лука́внуяй, ниже́ пребу́дут беззакон́ницы пред очы́ма Твои́ма: возненави́дел еси́ вся де́лающия беззакон́ие. Погуби́ши вся глаго́лющия лжу: му́жа кровей́ и льсти́ва гнуша́ется Госпо́дь. Аз же мно́жеством ми́лости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоём. Го́споди, наста́ви мя пра́вдою Твоею́, враг мо́их ра́ди испра́ви пред Тобо́ю путь мой. Я́ко несть во усте́х их и́стины, се́рдце их су́етно, гроб отве́рст гортань их: язы́ки свои́ми льща́ху. Суди́ им, Бо́же, да отпаду́т от мы́слей свои́х, по мно́жеству нече́стия их изри́ни я́, я́ко преогорчи́ша Тя, Го́споди. И да возвеселя́тся вси упова́ющии на Тя, во век возра́дуются, и всели́шися в них, и похва́лятся о Тебе́ лю́бящии и́мя Твоё. Я́ко Ты благослови́ши пра́ведника, Го́споди: я́ко ору́жием благово́ления венча́л еси́ нас.

ПСАЛО́М 89:

Го́споди, прибе́жище был еси́ нам в род и род. Пре́жде да́же горам не бы́ти и создáтися земли́ и вселённей, и от ве́ка и до ве́ка Ты еси́. Не отврати́ челове́ка во смире́ние, и рекл еси́: обрати́тесь, сы́нове челове́чести. Я́ко ты́сяща лет пред очы́ма Твои́ма, Го́споди, я́ко день вчера́шний, и́же мимо́иде, и стра́жа но́щная. Уничже́ния их ле́та бу́дут. Утро́ я́ко трава́ мимо́идет, утро́ процветёт и прейдет: на ве́чер отпаде́т ожесте́ет и и́зсхнет. Я́ко исче́зохом гнёвом Твои́м, и я́ростию Твоею́ смутíхомся. Положи́л еси́ беззакон́ия на́ша пред Тобо́ю: век наш в просвеще́ние лица́ Твоего́. Я́ко вси дние́ на́ши оскуде́ша, и гнёвом Твои́м исче́зохом, ле́та на́ша я́ко паучи́на поуча́хуся. Дние́ лет на́ших, в ни́хже се́дмьдесят лет, а́ще же в си́лах, осмьдесят лет, и мно́жае их труд и боле́знь: я́ко при́иде крото́сть на ны, и

накажемся. Кто весть державу гнева Твоего, и от страха Твоего, ярость Твою исчезти? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагаях пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

ТРОПАРЬ ВОСКРЕСНЫЙ, ГЛАС 1:

Камени запечатану от иудей/ и воином стрегущим Пречистое Тело Твое,/ воскресл еси тридневный, Спасе,/ даруяй миру жизнь./ Сего ради Силы Небесныя вопияху Ти, Жизнодавче:/ слава Воскресению Твоему, Христе,/ слава Царствию Твоему, // слава смотрению Твоему, единому Человеколюбче.

Слава Отцу и Сыну и Святому Духу.

ТРОПАРЬ ПРАЗДНИКА ТРИОДИ, ГЛАС 2:

Пречистому Образу Твоему поклоняемся, Благий,/ просяще прощения прегрешений наших, Христе Боже,/ волею бо благоволил еси плотию взыти на Крест,/ да избавиши, яже создал еси, от работы вражия./ Тем благодарственно вопием Ти:/ радости исполнил еси вся, Спасе наш, // пришедый спасти мир.

И ныне и присно и во веки веков. Аминь.

Что Ты наречем, о Благодатная? Небо, яко возсияла еси Солнце Правды.

Рай, яко прозяблѣ еси́ цвет нетлѣния Дѣву, яко пребыла́ еси́ нетлѣнна. Чѣistou Матѣрь, яко имѣла еси́ на святѣх Твоѣх объятїях Сына, всех Бѣга. Того́ моли́ спастѣся душѣм нашим.

Стопы́ моя́ направи по словеси́ Твоему́ и да не облада́ет мно́ю всякое беззако́ние. Избѣави мя от клеветѣ́ человѣческа́я, и сохрани́ заповѣди Твоя́. Лице́ Твое́ просвети́ на раба́ Твоего́ и науди́ мя оправда́нием Твоѣм.

Да исполня́тся уста́ моя́ хвалѣния Твоего́, Го́споди, яко́ да воспую́ сла́ву Твою́, весь день великолѣ́пие Твое́.

ТРИСВЯТО́Е ПО ОТЧЕ НАШ:

Чтец: **С**вятѣ́й Бѣ́же, Святѣ́й Кре́пкий, Святѣ́й Безсме́ртный, поми́луй нас. *(Трижды)*
Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **А**ми́нь.
Пресвята́я Трѣ́ице, поми́луй нас; Го́споди, очѣисти грехи́ на́ша; Владѣ́ко, прости́ беззако́ния на́ша; Святѣ́й, посети́ и исцѣли́ немо́щи на́ша, имене́ Твоего́ ра́ди.
Го́споди, поми́луй. *(Трижды)*
Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **А**ми́нь.
Отче наш, Ё́же еси́ на Небесе́х, да святѣ́тся и́мя Твое́, да приидет Цѣ́рствие Твое́, да бу́дет во́ля Твоя́, яко́ на Небеси́ и на землі́. Хлеб наш насущный да́ждь нам днесь; и оста́ви нам до́лги на́ша, яко́же и мы оставля́ем должни́ком нашим; и не введи́ нас во искуше́ние, но избѣави нас от лука́ваго.

Иерей: **Я**ко́ Твое́ есть Цѣ́рство и си́ла и сла́ва Отца́ и Сы́на и Свята́го Ду́ха, ны́не и прѣсно и во ве́ки веко́в.
Хор: **А**ми́нь.

КОНДА́К ПРА́ЗДНИКА ТРИО́ДИ, САМОГЛАСЕН, ГЛАС 2:

Неопѣсанное Сло́во Отчѣе, / из Тебе́, Богороди́це, описѣ́ся воплоща́емь, / и оскве́рнши́йся о́браз в дре́внее вообрази́в, / Божѣ́ственною добро́тою сме́си, / но испове́дающе спасѣ́ние, // де́лом и сло́вом, си́е вообража́ем.

Го́споди, поми́луй. *(40 раз)*

Ё́же на вся́кое вре́мя и на вся́кий час, на Небеси́ и на землі́, покланя́емый и сла́вимый, Христѣ́ Бѣ́же, Долготерпѣ́ливе, Многоми́лостиве, Многоблаготро́бне, Ё́же пра́ведныя любя́й и грѣшны́я ми́луяй, Ё́же вся зовы́й ко спасѣ́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к заповѣдем Твоѣм, ду́ши на́ша освяти́, телеса́ очѣисти, помышлѣ́ния испра́ви, мы́сли очѣисти и избѣави нас от вся́кия ско́рби, зол и болѣ́зней, огради́ нас святѣ́ми Твоѣми А́нгелы, да ополче́нием их соблюда́ем и наставля́ем, дости́гнем в соединѣ́ние ве́ры и в ра́зум непристу́пныя Твоея́ сла́вы, яко́ благословѣ́н еси́ во ве́ки веко́в, ами́нь.

Го́споди поми́луй. *(Трижды.)*

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: **Боже, ущедри ны и благослови ны, просвети лице Твое на ны и помилуй ны.**

Чтец: **Аминь.**

Иерей: **Христе, Свете Истинный, просвещающий и освящающий всякого человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.**

КОНДАК, ГЛАС 8:

Взбранной Воеводе победительная, / яко избавльшися от злых, / благодарственная восписуем Ти раби Твой, Богородице; / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Иерей: **Слава Тебе, Христе Боже, упование наше, слава Тебе.**

Хор: **Слава Отцу и Сыну и Святому Духу и ныне и присно и во веки веков. Аминь. Господи, помилуй. (Трижды.)** **Благослови.**

ОТПУСТ.

Иерей: **Воскресый из мертвых, Христос, истинный Бог наш, молитвами пречистыя Своея Матере, преподобных и Богоносных отец наших и всех святых, помилует и спасет нас, яко Благ и Человеколюбец.**

Хор: **Господи, помилуй. (Трижды)**

Утверждение на Тя надеющихся, / утверди Господи Церковь, / юже стяжал Еси / Честною Твоею Кровию.